

52600

辛亥以前激進民族精神之革命文藝

李 昭 燕 著



3 2173 7901 9

「民族播遷錄」

記辛亥以前激動民族精神之革命文藝

李貽燕

緒言

民族主義，民族精神，上稽耳簪，下撫謠諠，折以孔子之所謂道，總理之所圖執，濡譏尙矣，蔑之倫矣。所以我華遠古而先之胼胝裂趾，瘁力以衛茲土而貽子孫澤，爲民族之自由之獨立之生存，而不至受辱墮之外遇也。傳曰：「夷不爲夏」，非謂夷之不夏也，天維固，地紀張，人極立，藉之而無恥也。二帝以上，炎黃之鴻業尙矣。炎黃二帝以還，則我華祖先之盡力衛茲土保民族者，其經營之鴻績尙可稽也。殷世之無待患外侮也，哲后哲宗懷之之功也，末葉之固天綱也。民族精神之最上寄托，義節烈之士陞之之力也，豈我先民示天下以不厭哉？非我族類，其心必異，理非所孚，誠非所感，不竭全力以遏之，則奸宄敗類，且與之結勾絪，而害漸入於人羣，禍烈於洪水，天譴爲之祀。道統正義

公理爲之絕。故我先民著之於政，則爲商之夷鬼方，周之棘獫狁，漢之犁匈奴。垂之於經，則爲尙書之格奄苗，魯頌之懲荆舒，春秋之外夷狄。筆之於史，則爲唐樊綽之志蠻蛋，宋朱熹之貶氏胡。抒之於文，則爲宋所南之心史，明船山之黃書。爲民族之自由，之獨立之生存類有不得已也。

我中華民族主義既如是之淵遠，民族精神既如是之磅礴，而其導源，固在於喪祭二者之間也。在昔洪荒之世，丞民倥傯，夏狁雛室，初不知同族之可珍也。自我祖黃帝作宅，甸定神州，文治聿啓。乃裒九有之生民，而釐正其婚制，創氏族爲之立宗法，以固其祧，以敦其族。族類攸序，喪祭之大禮，於以底定焉。蓋生天地之間者，有血氣之屬必有知，有知之屬，莫不愛敬其同類。喪者愛其類而矜恤之者也，祭者敬其類而追思之者也。昔者有虞氏禘黃帝而郊嚳，祖顓頊而宗堯；夏后氏禘黃帝而郊鯀，祖顓頊而宗禹；殷禘嚳而郊冥，祖契而宗湯，周禘嚳而郊稷，祖父王而宗武王。而周家之制禮也，大宗在族，百世不祧。故古傳有之，祭者忌民反古，復始不忘其所由生也。夫不忘其所由生，則必愛其同生之族。

，推其自出之祖，而衛種之心，蹶然興起。故謂喪祭爲宗法之極，亦卽民族主義之所由生，敦宗敬祖，愛及同類而定人極也。若夫民族淪胥，而不知痛，尨甚而不知復者，是謂忘祖，忘祖者必彊，嚮道統於醜類，叛宗邦而爲虎狼者，是謂背祖，背祖者必絕，與衆共棄之者也。

炎黃初興，肇基崑崙，種藩東漸，爰宅神州，區於大河，衍於華陰，華陽，達於江淮，河漢，流沙，肅慎，長白之墟，海峽交趾，象郡喜馬之隈。而位於其邊者，咸爲四裔，懷德畏威，修其厥貢。而我仍嚴種姓之防，不加放逐誅殛，而予以繼絕存亡，是謂特典。而總理扶助國外弱小民族之教興焉。

今日爲國定中華民族掃墓節，爲福郊之遺制，祭祀之大典也。要亦斬我四萬萬五千萬同胞，不忘其祖，由親親而團結，而堅其忠孝之心，而明報本反始之意，崇德報功，毋廢祖先之勳業，毋墮祖先之鴻謨，振肅民族精神，發揚民族正氣，貫徹民族主義。義至明，意至長，而禮至隆也。

惟是民族精神正氣主義之振發揚貫澈，固有待於文字之殷爲鼓吹也。故孔子嘗周網失圯，宗法廢墮，民族界坊，鴻裂蔑盡，周室東遷，惛惛禹甸，禍變匪已之時。一筆驅起，稽天經，察地變，析稱姓，張三統，著麟經，以遏禍水。故延至漢代，民族主義得以經昌寔明。甚矣哉，麟經之有造於神州也。

此文字之殷爲鼓吹，卽爲文藝文章之適宜宣傳，經也史也詩也，均同其轍也。竊嘆轉近以來，關於宣傳之文，不特闡揚民族主義爲然，都無氣力，內容則無物也。不論小冊，特刊專刊，諸類近於裝璜，無人過目，某某八股之譏評，無足怪也。欲求文字收功，不恭難乎。總理在辛亥革命以前，屢詔同志曰：「我輩革命，固當拚其生命，惟大有賴於文字宣傳之功，宣傳者，革命之母也。」又曰：「宣傳文字，須重文藝，以奮躍張躍激奮湧冰疾趨磅礴謹嚴實在爲主。蓋黍離之詩哀以思，板蕩之詩怨以正，小戎無衣，激起同仇，碩鼠貶刺虐政，六月采芣，嘉振旅之功，車攻吉日，示安不忘危之意，魯頌商頌，美其征服異族，明立國之有本，俾世世子孫，永守不墜。當日吾民族所遭之命運，爲亡國之民，爲

人之奴隸牛馬，所爲之事業，爲恢復中華之艱巨功作。而同顧國內，芸芸衆生。無識無知，而認賊作父，不辨華夷，自命爲士大夫階級者流，又無復廉恥。故應對之痛下砭針，期風潮之怒起」。當時同志所組織之報紙。發行之刊物，不下數十種：如民報，復報，天討，漢聲，漢職；如浙江潮，洞庭波，鵲聲，鵲血，大有，晉語晉乘之類。而友同志所創辦者，又有天義報，其著者也。主筆政者，有章枚叔太炎先生，胡展堂漢民先生，張繼溥泉先生，以及馬君武，劉光漢，柳亞盧，何震，韋爵，諸先生。而署筆名者，尙有西狩，運甕，寄生，太丘，鉄錚，不佞，定思，信川，尊周，漢思（景定成），憲敵，師南，无首，三葉，甲公，壯公，志羣，天梅，治民，志攘，曜公，夷白，敵公，天曉，棄疾，同仇，餘生，血刃，拜一，非非，大哀，南史氏，杏客入，南國行人，攘夷女士，三閭狂叟，少年之少年等等。內容分爲社論，傳記，歷史，批評，詩詞，小說，鼓書，彈詞，道情，叢譚各欄。文字除開明鼓吹總運三民主義，革命真理，及駁斥虜廷，筆誅立憲黨，保皇黨，文妖而外。均富有革命精神及民族精神之傑作，足以起頑立懦，針針見血。而對宋明不季之

忠臣義士烈女，以及同盟會成立前後爲革命而犧牲之壯烈男女同志，或述其言行。或引其悲歌。如怒髮衝冠，風蕭水寒，快馬健兒，禾黍故宮，銅駝荆棘諸絕句，令人讀之，或扼腕太息，或切齒裂眦，或泫然出涕，悠然生孤臣故國滅此朝食之思也。蓋民族當陽九百六之運，國破家亡，剩水殘山，風雨如晦，雞鳴不已之秋，志士英雄，羣相發其悲聲，而鳴其痛，而傷感足以動人也。因有總理登高一呼，同志相率響應。故革命之事業得日益進展，由小規模之運動，而漸至大舉，同志由四大寇而增至數千百人焉，文字宣傳之功大矣哉！今日吾中華民族，所處之境遇，雖與辛亥以前大不相同。而倭騎橫來，國仇未滅，半壁河山，淪於夷狄！淪陷區之父老昆季，猶處於水深火熱之中，任人如牛馬，隨意生殺予奪。而民族之不肯者，如汪逆精衛等，亦復失其人性，廉恥道喪，屈辱於敵人之前，謂他人父，謂他人母，忝顏事仇，爲虎作倀。而目無祖國之奸黨，又復包藏禍心，忘其深仇大恥，不惜曲解吾黨主義，運其陰謀，竊據一隅，牟鬻法令，殘民以逞，自詡抗日，而到處消滅抗戰國軍，削弱國家力量。國難之嚴重，與以前不相上下。嗚呼！獸蹄鳥跡交中原，而沐猴而冠

，發撥升木，不惜爲鳥獸禽獸之行；而冥頑兇惡之奸宄，又襲張獻忠李自成流寇之餘技，而肆其寇奪，恣其妖妄。三綱乎，四維乎，人極乎，天紀乎，將蹈將危，於人獸之交也。吾爲此懼。開先聖之道，申總理之義，憶錄辛亥以前諸同志所血書，所口噴，有關民族主義，民族精神，民族正氣。如石破，如天驚之革命文藝，求同胞同志之閱讀，之憬悟，之警惕，以代今日民族墳墓飾之獻辭焉。隨憶隨筆，百不及一，又乏次序，閱者諒之！

王師北定中原日，家祭無忘告乃翁，今日列祖列宗同此心也。

臥榻不容方是計，肅清風雨霽天眸，今日列祖列宗同此厚望也。

落花慘淡柳條新，百骨青山多哭聲，今日陣亡將士死難同胞墓地之景象也。

正是家家寒食節，冬青樹底賦招魂，今日陣亡將士，死難同胞家屬之情景也。

太炎先生曰：「時祖宗之玄靈，振黃裔之天聲，夷犬羊賤種之命，復九世之仇，今日我同胞應人人以誓滅倭奴自矢也。」

總理民元前二十年，與中會宣言曰：中國積弱至今極矣，上則內循苟且，粉飾虛張，下則蒙昧無知，鮮識遠慮。堂堂華國，不齒於列強，薄濟公冠，被輕於異族，有志之士，能不痛心？……方今強隣環列，虎視眈眈，……蠶食鯨吞，已見於接蹊，瓜分豆剖，實堪慮於目前。嗚呼！危矣！有心者不禁大聲疾呼，亟拯斯民於水火，切扶大廈之將傾，庶我子子孫孫，或免奴於他族。用特集志士以興中，協賢豪以共濟」。又曰「不思中國一日爲人分裂，則子子孫孫，貴爲奴隸，身家性命且不保。急莫於此，私莫私於此。而舉世頽廢，無人悟之，無人挽之，此禍豈能幸免！倘不及早維時，乘時奮發，則數千年聲名文物之邦，累世代冠裳禮義之族，從此淪亡，由茲泯滅，是誰之咎？識時賢者，能無責乎？……確智愚爲一心，合還運爲一德，羣策羣力，遣大投報。則中國難危，無難挽救。」

總理民元前十四年與其本志士書勸實業談話。蓋勸歸於總理革命之宗旨。總理乃其

曰：清廢封建，茲三百年矣，以愚弄吾人爲第一要義。吸吾人之浮血，飼吾人之手足，爲滿人豎遷調毒之計，認賊作父之既久，爲世皆忘其本。……沃野好田，任人割取，靈苗智種，任其踐踏！……方今世界，國皆自主，人盡獨立，獨我華胄，每况愈下，瀕于死亡。於斯時也，苟非涼血動物，安忍坐視此生等奴隸之獄，以與終古。……嗚呼！今舉我國土之大，人民之衆，而爲組上之肉……不得不奮而爲革命之先驅，以應時勢之要求，自奮以任大事。

三

民元前七年八月，同盟會成立後，曾編定革命方略，以爲各地起義之應用。軍政府宣言曰：天運歲次年月日，中華民國軍政府，奉軍政府命，以軍政府之宗旨及條理布告國民。今者國民亟起立軍政府，滌二百六十年之腥羶，復四千年之祖國，謀四萬萬人之福祉，凡我國民，當引爲己責者也。……中國者中國人之中國也。中國之政治，中國人任之。……敢有爲有機塘者，吳三桂之所爲者，天下共擊之。……尤深信我國民，必能踴躍堅忍，共成大業，祖宗玄靈，久燭耀於四海。地遭邦家多難，困苦百折，祈人人發揚其精神

！我國人同爲軒轅之子孫，國人相視，皆伯叔兄弟，諸姑姊妹……休戚與共，患難相救，同心同德，以衛國保種自命，戰士不愛其命，閭閻不惜其力，願我四萬萬人共勉之！

四

少年之少年著南明小史，語多沉痛者。治民氏題詞曰，少年少年，拔劍而啼，願從俠士，報仇燕市。良椎荆匕，而今安在？男兒死耳，請自隗始！……莽莽中原血如水，荒江骷髏作人語，夫差爾亡殺父恥。帝劍氏題詞曰，黃髮虞夏兮，嘯嗟今已沒。華夷有界限，書生持之力。建夷亂中夏，華族供宰割。洪王初起義，雷霧迅奔發，大仇復九世，堂堂與師捷，再看宋衣冠，復視唐日月。洪吳胡曾左，漢奸繁如鯽。經術媚異族，狗彘所不食。彼獨非人類，而不愛祖國！……中華乾淨土，不容獸蹄跡，夷夏留大防，詩亡春秋作。（今日倭奴侮我，九世復仇之義，亟當重申，非人類之漢奸，亟當誅伐。）原文緒論曰：辱莫辱於奴隸，哀莫哀於亡國。強盜橫來，神州淪陷，銅駝荆棘，鬼哭磷飛。……舉世昏昏如登春台。（沐猴而冠之漢奸可殺）我獨如冰雪之置我腸，刀刃之加我頸。我其夢

狂哉！我愛祖國，抱無窮祖宗墳墓之悲！（今日由淪陷區逃來後方之同胞聽者）天命方新，人心未死……同胞同胞，試張目北望，神馳燕雲之郊，豈猶是我神聖祖宗黃帝之華胄，所能死生自由者乎。嗚乎！同胞：西江可竭，此恥不可不瀦。某也不敏，網羅佚事，組織成篇，爲鼓吹之一助。嗚乎，文字收功，願報仇之奮起，江湖滿地，期光復以年年。（今日我黃帝子孫，人心未死，人人應以報仇雪恥爲職志。）

五

痛罵漢奸漢承疇，吳三桂，二賊也。曰胡虜傾洞，天地邱墟，莽莽中原，虜騎如織。我黃帝子孫之敗類，謂他人父，謂他人母，三跪九叩首於敵人腳下。嗚呼犬羊鳥足辱我神聖之華族哉！……因有敗類，爲虎作倀。兇鋒所播，縱橫及於塞內，燕趙齊魯之間，腥風血雨捲地而來，莽莽中原，無一片乾淨土。……快馬健兒無限恨，吾深太息痛恨洪吳二逆賊之毫無心肝也。（漢奸可殺）

六

痛哭南都之敗及福王宏光帝之被弑也。曰：玉樹歌殘跡已陳，南朝宮殿柳條新，福王少小風流慣，不覺江山愛美人。痛矣哉，朱明江左偏安之業，之爲堅子敗也。……當南朝鼎沸之日，正北虜猖獗之時。……楊州奴，史可法爲民族流血以去。五月宏光帝奔燕湖，爲家賊田雄所執，送北都爲虜所弑。嗚呼！白馬渡江，傷辱王之薄命，黃龍病飲，奠杯酒其何年。（續述亡國之慘）

七

痛明末大江南北同胞之被殺也。曰：噓！噓！噓！夫差！爾忘越人之殺爾父乎？當日大江南北，名城何啻千百，我一念及之，而恍若見我同胞之視若父，兄若弟，母及姊妹，斷頭如山，積血成海之慘狀也。（今日敵人所過之區，過之無不及，同胞其忘之乎？）

八

痛唐王監武勝之流血也。曰：北望無趙，南望荆楚，莽莽妖靈，不歸回首。……于

斯時也，樹光復獨立之旗，龍興千七閩之都，臥薪嘗胆，日夜兢兢，以保全祖國，驅逐逆虜爲職志。……繼統福京，號召義旅，隆武元年三月黃道周兵敗，死於南都，……隆武帝被執，至福京遇害。……哀哀聖帝，墮鵲血而誰聞，沉沉鼎湖，攀龍髯其奚及。我義俠之同胞，其何以報先人於地下哉？（語至沉痛，我同胞今日其何以報死難同胞於地下乎）

九

痛魯王以海之末路也。曰：忠臣義士，復揚旗擊鼓，樹民族之大旗，爲義兵之突起。……閩越熱血少年，爭投身於大明旗下，願爲祖國死，爲復仇死。……我追考陸沉遺跡，至于同胞生死關頭，民族存亡界綫，衷心如裂，不能不淚下如糜也。

十

痛桂王永曆帝之被害也。曰：信乎種族淪胥，河山破碎之可悲也。福京不守，凶耗驚傳，廣西巡撫瞿式耜，乃立桂王由榔，號永曆帝。……國家當山窮水盡荊榛遍地之秋，而

漫漫長夜，忽發一線光明，啓前途無窮之希望，雖百世下，子遺之民，亦爲之馨香歌舞。惜乎曇花一現，而民族之敗類不肖者，復色藏禍心，略無心肝，倒行逆施，不惜北面于素所仇敵大羊賤種，以斬草除根爲快。奸賊吳三桂豈可望之肉，其足食乎？（奸賊可惡）。

十一

痛鄭成功之死也。曰：江山雖好，風景已非，中原志士，抱民族之痛，深寇虜之仇，長號疾呼，投身于狂瀉落日孤島片嶼之思明州。思明州者皇漢民族英雄鄭成功之光復根據地也。……成功起兵勤王，圖光復，忽忽十餘年矣。厲兵蓄銳，誓謀恢復，臥薪嘗胆，耿耿不忘。……祭告孝陵，昭示天下。後自率師攻台灣，克之改稱東都……于永曆十六年即明亡後翌年，卒于東都。嗚呼英雄末路，天地悲愁，墓木南枝，傷心北望，成功之目其不瞑哉。

十二

弔王船山顧亭林黃梨洲三先生也。日「慘霧迷天，積塵滾地，銅駝荆棘，國魂不歸。蓋自永曆帝之遇害，中原無主，一時才俊之士，具憂國之血誠，未嘗不奔走呼號，以圖挽回于萬一。及事變橫來，英雄無用武之地。乃閉戶著書，痛陳夷夏之防。孤燈蕭瑟，熱淚模糊，空山無人，時聞獨嘯，其悲歌叱咤之心事，蓄鬱鬱有難言者。其民族主義之導師，民族革命之鼓吹者歟？若船山王氏夫之先生，亭林顧氏炎武先生，梨洲黃氏宗羲先生，蓋遺臣佚士中之巨擘也。國破家亡，子遺之民，抱民族之痛，纏綿歌泣，沉酣沒溺其中。朝思暮想，夢寐隨之。腸一日而九迴，魂一夕而九逝。船山先生固第一傷心人哉！……船山先生，當永曆時，崎嶇嶺表，願圖恢復。既知事不可爲，乃退而著書，竄伏空山四十年。及薙髮令下，誓不徇異族。著黃書及通鑑論，於異族之威三致意焉。亭林先生，當南都亡後，嘗六謁孝陵，六謁思陵。所著井中心史等書，長歌永嘆，遺臣故國之思淵矣。梨洲先生，嘗赴東夷乞師，不報。歸着明夷待訪錄，論亡國之禍，推本求源，使人民有所鑒戒。……嗚呼！洪水橫流，正義無光，三先生之正義思想學說，面蕭條門巷，無人顧問。

嗚呼：我同胞其好自爲之，無忘我先民之苦心也！

十三

弔台灣先烈朱一貴林爽文之失敗也，曰：義之燬，舜之都，禹之封，應有一個半個聯臣戎，東海孤島，東明亡後，兩起革命風潮……今而後知鄭成功之流澤長也。若朱一貴，若林爽文，甯爲獨立死，不爲奴隸生……今出箇海面弔山河，東甯舊都，衣冠人物兩易主矣。（哀痛之極，今日東甯舊都已三易主矣，）英海毅烈，哀怨年年，我同胞其知之否耶？

十四

弔洪天王李忠王也。曰：「於國舊碑胡月暗，興王故地庫風寒，……水深火熱，哀鳴鳥之不聞，風狂雨橫，望潛龍之騰起；積二百年亡國之慘，忍之無可忍，遏之無可遏，霹靂一聲，而太平天國之首領，洪天王秀全，號天揭地，驚神泣鬼之歷史，乃出現於世界。自明社屋後，黃帝子孫無一片乾淨土，奴隸牛馬，躬受其辱，九世之仇，同族其遺

寇之孽。……落會上國衣冠，淪于夷狄，概率中原豪傑，還我河山，跪太平天國翼王石達開之機文也。今日讀之，猶懷懷有生氣哉！當時義旗一舉，千里從風……長驅宅金鳴呼此果當年大明綱世英雄鄭成功所綢繆而未成，何勝蛟異式相所夢想不到者也陵。石轉江流，消吞吳之舊恨，山雄水壯，樹光漢之新旗。……不幸大功未成，內訌先起。……翼王獨樹一幟而去，後兵敗蜀中，爲虜所殺。其遺詩曰：揚鞭慷慨臨中原，不爲仇讎不爲恩。我志未售人亦苦，東南到處有啼痕，傷哉！……嗚呼！有胡公翼曾國藩者，負一世重名，爲理學鉅子，竟不解民族爲何物，效忠偽朝，與太平天國爲死敵。……我中華民族英雄崛起如洪秀全者，竟優曇一現，瞬息凋零，秋草長埋，大星終隕。當日豐功偉烈，已與殘山剩水同成夢幻於南柯。黃帝紀元四千五百六十一年，金陵城破，仰藥自殺。忠王李秀成督兵巷戰，力盡被擒，死無降者。嗚乎田橫五百，項羽三千，吳眷不靈，鬼雄獨嘯。英爽仁武如忠王，竟不能揮陽之戈，挽百六之運。鳥雖不逝，膝室無靈。秦淮鳴咽浪無聲，風塵滿地，來日大難，荆棘漫天，家山河處，我民族健者，好自圖之！（讀之令

十五

天嘆氏祭太平天國天王文，曰：建州醜夷，值明末之內亂，受吳賊之逢迎，長驅入關，盜竊神器。遂至衣冠塗炭，中原陸沉。以大羊而亂華風，以妖魔而干天紀。太平天國天王洪，起義金田，戡定大亂，樓船雲下，建都金陵。……斯時也，慷慨乎有大統一之鴻規矣。誰知虜運未終，王業掃地，胡曾諸賊，助桀爲虐，認賊作父，効忠異種，自殺同胞。傾東海之水，難以洗其污，伐南山之竹，不足書其罪。……四百兆人民水火未出。……若洪王者，炎黃之肖子也。某等痛洪王殉國之後，慘澹神州，氣鬱風雲而常黑，荒涼大陸，血洗河山而俱紅，莫不欲投袂而起，拔劍而舞也。……相期起挽紀綱，共盡青年之責任，忍此長蒙腥穢，空於黃帝之子孫，以繼洪王未竟之志云云。

十六

葉疾氏吳長興伯日生傳曰：吳易字日生，吳江縣人，崇禎十六年成進士。……弘光

元年，督餉吳中，未復命，而南京不守。……起兵屯長白蕩，出沒五湖三泖間，與清兵相拒，多所殺傷。……紹宗聞之，命總督江南諸軍事，封忠義伯。魯王亦授易兵部侍郎，封長興伯。……後爲清兵所乘，兵敗子身走，父妻子女，皆投水死。明年春，邑人周瑞起兵迎易，屯長白蕩，……至嘉善，爲清兵所執，至杭州，不屈，遇害于草橋門。臨刑從容賦浪淘沙詞曰：成敗論英雄，史筆朦朧，與吳霸越事匆匆，畫墨凌烟能幾個，人虎人龍，雙鬢酒杯中，身世萍蓬，半窗明月透西風，夢裏邯鄲還說夢，嘉地晨鐘。就義時年三十五。夏完淳內史曾參易軍事，有吳江野哭詩悼易曰：江南三月鶯花嬌，東風繫纜垂虹橋，美人意氣埋塵霧，門前秋柳風蕭蕭。有客扁舟淚成血，三千珠履烟塵絕，曉氣平連震澤雲，春風吹落吳江月。平陵一曲聲杳然，靈旗慘淡歸荒烟，茫茫滄海填精衛，寂寂空山哭杜鵑，夢中細語曾聞得，蒼黃不辨公顏色，江上非無弔屈人，座中猶是悲田客。感激當年受命時，哭公清夜患人知，空聞蔡琰猶堪贖，不作侯芭不敢辭。相將酒淚銜黃土，尋公廬冢青松路，昔年同祭伍胥祠，人人不上要離墓等。末段有轟轟烈烈昭垂宇宙之日生先生。

蕭條門巷，無人過問，桐棺已矣，麥飯誰澆？……憑弔長白之藹，能無慟乎？邦人諸友，其有發憤於民族之大防，不忍使先賢遺風，掃地以盡，而慨然興起者乎！等語（今日五湖三柳間安得日生先生其人，起而殺賊乎！）

十七

漱鉄夏完淳內史詩曰：先臣忠節已沉舟，搖落吳江代馬頭，歿死倘教成父志，破家終欲報韓仇，麻衣飛血丹書表，忠骨撐天白霧秋，豈直國殇童汪靖，大哀一賦古無儔。內史號存古華亭人，弘光乙酉從陳子龍先生起兵，子龍兵敗內史又參吳日生軍，日生又敗殉國，內史作大哀賦愴痛興亡，人爭傳誦，後又與子龍先生謀匡復，子龍兵又敗投水死，內史被執送南京洪承疇訊問欲汗之，當庭詬罵不已，承疇爲之奪遂遇害年十七歲。

十八

悼鄒容先烈曰：鄒容先生，號威丹，巴縣人，入獄後二年，爲虜吏毒殺，義士劉三捐地葬之。……冬何樹底，杜宇年年，魂魂有靈，化爲厲鬼以報賊。過墓門細觀碑者，斷

不惟故國之思。……文公有靈，鑒掃腥羶之跡，與稱長嘯，招還兩國之魂云云。佩忍。慧人天梅均有詩哭之。佩忍詩曰：半春零雨落紛紛，烈士蒼涼赴九原，正是家家寒令節，冬青樹底賦招魂。憐君慷慨平生事，只此寥寥革命軍，一卷遺書今尚在，諸君何以復燕雲？慧人詩曰：一拳打破萬重雲，獨上崑崙迥出羣，滿地行尸哭無補，書成革命未成軍。蓋君曾著革命軍一書也。天梅詩曰：百戰山河夢亦空，爭教李賀哭秋風，中華正氣仍存在，亦鳥朱襦冷漢宮。頭頭大好誰當砥，烈士原來要殉名，酒後論交看寶劍，時危須結歲寒盟。亞廬氏有念奴嬌詞哭之曰：傷心一慟，嘆英才如此，蘭摧薰折，大好頭顱今已矣，辜負胸中俠血，三尺桐棺，一杯麥飯，末路真倭絕，中原慘淡，浮雲飛過如葉，還記舊夢依稀，舞台攜手，肝胆平生熱，轉首賜秦天未醒，霧地竟成長別，鄰笛山陽，雨鈴蜀道，一樣聲鳴咽，雄心千里，如今更向誰說？

十九

鄒容先生獄中答太炎詩曰：我兄章枚叔，憂國心如焚，並世無知己，吾生苦不文。一

朝淪地獄，何月掃妖氛。昨夜夢和爾，同與生命軍。

二十

敵公著有衆安橋雄劇，卽施全刺秦檜。（施全挺利刃上）「白」聞說大哥殺掉，心中紛紛如麻，衆安橋下挺鋼刀，切齒奇仇要報。俺施全與岳大哥一別，指望他姪好回來。不料秦檜那狗彘不食的東西，千方百計，騙上臨安，將岳大哥害死。聞信之下，憤不欲生，大哥呀！有仇不報，枉算男兒。（大哭切齒介）「唱」想當初，在家鄉，桃園結義，義如山，情似海，骨肉同胞。朱仙鎮，殺得那，金人亂叫，只望那，搗黃龍怨氣都消。有誰知，岳大哥，被人害了，不由人，肝腸裂，痛恨難熬。（上墳哭介）「唱」恨奸臣，害大哥，頭圖不保，硬心腸辣手段，作浪翻潮。天難其，父兄仇，理應必報，恨。卽，把國賊，萬割千刀。（末段被擒大罵介）你這個賣國賊賣國衆榮，殘害忠良，無論何人，誰不要食你的肉，豈但俺一人。俺乃燕雲烈烈斬頭流血的大丈夫，行不更名，坐不改姓，岳元帥結義兄弟施全便是。今日特來把你碎屍萬段，報岳元帥的仇。不料你奸賊偏偏不能命中。少不得

存日惡貫滿盈，那時自有人把你奸賊剝爲肉等也。靈囂！你作惡多端，亂造外寇。見外寇你就叫幾聲爹，見同胞中有志氣些，你就害他死地，你的心腸比畜生還不及呢！（罵的痛快，呼嗚汪逆精衛）

二十一

東陽令史子孫祭岳鄂王墳詩曰：僞勛祠宇接湖濱，殿繞荷花屋擁雲，底事村人渾不解，辯香齋上岳王墳。

二十二

寄生記崑徐山冠卿所作，指揮卓煥所藏史可法所繪明崇禎懷宗御容詩曰：甲辛三月國大變，賊騎橫行滿京甸，百官狂走入豎降，九內洞開人不戰。烈皇平明起太息，獨自擊鐘向端殿，左右視無一人，公主飲劍臂割斷。身殉社稷在煤山，血詔留衣髮掩面，後來淺葬向玄宮，六十年間朝市換。甯知道像今尙存，天人眉宇臣民見。……史相涕泣繪此圖，軍前跪拜激頑夫，翠華金根走姑孰，瑞戈鐵騎圍江都。惜哉孤城卒難守，空將報國心肝

剖，勅印親交贊繼戎，（潯昌）指揮卓煥捧御容，真州欲往飛梁斷，完節自赴波濤中。指揮平生節自矢，臣奉御容不敢死。憶昨路經思陵東，松檜颯颯來陰風，鼎湖龍馭去不返，金縢誰荐櫻桃。紅懸代告華帝王末路之慘，未有過於明之懷宗者。煤山縊死後，僅柳棺殮尸，今日明陵風雨，敵僞猖狂，未知有有心人偷去掃墓荐以紅櫻桃否？）

二十二

漢思氏（景定成）述王伯餘先生也。曰：王伯餘先生生當明季，其父爲仇人陷死，先生同兄北行赴難。至某地：適逢鄉人演昭關劇，謂其兄曰：兄爲伍尙，我爲伍員，兄死父，我報仇。後其父兄均被殺，先生報仇，殺仇人全家。隱於五公山，號五公山人。明亡與明遺老往還甚密。著書名「此書」亦名乾坤大路，主起兵圖恢復，其中所紀善起兵方略也。其自題此書詩曰：十二陵荒烟草餘，幾人着眼看皇興，滴殘頸血緣何事？畫徧爐灰是此書。龍虎輜旗傾缺水，江山策定閉戶車，王靈未改天心鑒，肯使隆中計略疏。

二十四

拜爾氏弔明十三陵詩曰：灤河景色荒，淒淒草木亦飄傷，大明王氣今何在，只剩殘碑臥道旁。烟雨蒼茫一片秋，銅駝荆棘與鸞歌，何時光復維師起，吾願提刀報國仇。

二十五

張駿先生弔明代遺老之凋零也，曰：先老凋謝，後生小子不知孺慕之誠，日遠日忘。（今日三十餘年前革命老同志後先凋謝，其健在者亦復蕭條門巷，無人過問，後生同志，亦多忘却歷史矣。）

二十六

韓衍吳黃花崗烈士宋玉琳曰：補闕海人羊城，千里東窗夜竹聲，所欠以人惟一死，頭顱墜地作雷鳴。（韓衍名著伯，號孤雲，江蘇海門人，清末秘密在安慶組織青年軍，時稱為淮上健兒者流也，志謀大舉，日奔走於三角青年軍旗之下，所結青年皆熱血澎湃，人人以革命為生活，純以鉄血主義，崇拜鐵彈丸之殺賊主義曰：我以一個彈丸以至仁殺至不仁，我鐵彈丸是非，乃萬世不滅之是非。曰：泛愛同胞愛祖國，是廣義，除國仇，是恢

義，代表同胞除國仇，是廣義中之俠義云云。韓於辛亥哭宋琳烈士後，不久爲漢奸刺殺，死於安慶。

二十七

鑑湖女俠秋瑾，於民前五年七月十六，（陰歷六月六月）就義於浙江古軒亭口也，絕筆曰：「秋風秋風愁煞人」璿字璿卿，浙之紹興人。生於閩，讀書通大義，嫺辭令，善詩文，明媚惆悵。後隨父客湘，適湘人王廷鈞。因慨清政腐敗，士習民風奢侈過度，幾忘深仇大恥。東渡日本，謁總理，入同盟會。改號競雄。與女同志組織共愛會，而已爲之長。尋回國結死士，創中國女報。民元前五年，歸紹興，主明道女學，及大通體育會。體育會者，徐錫麟之所創也。又曾往來吳越間，組光復軍，分八軍二十八隊，鎔金爲約指二十八枚，鐫詩其上曰：「黃河溯源浙江潮，衛我中華漢族豪，莫使滿胡留片甲，軒輶華胄是天驕。」願諸越首，以爲口號。以徐錫麟爲首領，自爲協領，又招壯士若干人，編敢死隊，伺動靜。會徐錫麟莊皖事敗，連及女俠，爲紹興知府貴福所捕。備極苦刑。無所供，僅供上列七

字，遂被害。女俠詩文甚多，其感憤詩曰：「莽莽神州嘆陸沉，救時無計愧偷生，搏沙有願興亡楚，搏浪無槎擊暴秦。國破方知人種滅，義高不礙客囊貧，經營恨未酬同志，把劍悲歌涕淚橫。其和友人詩曰：「漫云女子不英雄，萬里乘風獨向東，詩思一帆海空闊，夢魂三島月玲瓏。銅駝已陷悲回首，汗馬終慚未有功，如許傷心宗國恨，那堪客裏渡春風。其感時詩：曰，忍把光陰付逝波，這般身世奈愁何。楚囚相對無聊極，樽酒悲歌涕淚多。祖國河山頻入夢，中原名士孰揮戈。雄心壯志銷難盡，惹得旁人笑惡魔。鍊石無方乞女媧，百駒過隙感韶華，瓜分慘禍淚眉垂，呼告徒勞費齒牙。祖國陸沈人有責，天涯飄泊我無家，一腔熱血悲回首，腸斷難爲五月花。其黃海舟中感懷詩曰：「片帆破浪鼓滄溟，回首河山一髮可，四壁波濤旋大地，八方星斗拱黃庭。千秋盡灰全死，十載洶餘水尚腥，海上神仙渺何處，天涯涕淚一身零。聞道當年慶賊地，祇今猶帶血痕流，馳驅戎馬中原夢，破碎河山故國羞。領海無權悲索翼，磨刀有日快恩仇，天風吹面冷然過，十萬雲煙眼底收。

章炳麟劉光漢張繼徐錫麟馬宗霍陳伯平致瑾文曰年月日，餘杭章炳麟陸徵劉光漢滄州張繼，謹以玄酒素香，奠志士徐君陳君馬公烈女秋氏之靈曰，專諸聶政，死二千年，刺客之傳，鬱堙弗宣。……觥觥徐君，會稽降神。……葬爾京胡，爲魇爲蟲，莽食上國，炎黃子孫。……東方辨色，胡帥蹶起，縮腹遽入。……左手把袖，右射其臆，彈丸四發，肝脾黦黑。百吏世忙，穿牆繞匿。衛候猶厲，狗懷變德。桓桓陳君，一發則殪。蒼鷹擊殿，畢郭爲蝕，援師枳棘，二白胥滅，臆腹支解，爲淫昏食。亦有馬君，就塗未極，恫喪旁布，斷頭登陟，嗚呼哀哉！秦風羊角，耽耽越女，劍客無雙，揮斥人極。執戈以撞，續騎奄至，衆寡不當，曳髮反接，琅璫其胸，還立郡廷，雖虜不降，蘆灰未積，髮此元元，嗚呼哀哉。浙雖海濱，實生頂楚，其亡其亡，繫於三戶云云。

歎公談宋鄭新南先生心史曰：屈蒙之非難猛，憂愁憂思，反覆不已。我觀新南心史亦

然。其言曰：「紙上語可廢壞，心中誓不可滅。」曰「不變不遷復不變，誓死以一無二心。」曰「我生一彈霹靂手，終碎此虜爲齏粉。」曰「醉喝海綠尚翻動，不信不滅大羊羣。」又曰「今惟以行之一字，痛誓于心，行之于事，將與天下終始爲大宋民，斯不渝於初心焉。」云云。

三十

漢才弔鄭所南先生詩曰。鐵血沈埋三百年，神呵鬼護復仇篇，春秋義律森森在，史筆同於金石堅。豪氣橫空貫斗牛，思將隻手挽神州，兩篇檄傳心誓，不到復興不肯休。不是喪心不是狂，惓懷君國豈難忘，孤臣血淚千秋碧，化作冤禽叫九蒼。憑他地老與天荒，此志此心不可戕，三斗血書千載誓，生生世世殺胡羌。

三十一

寄生窗雜語賦記更閱部可決曰。明末所恃以爲胡馬南下之障者，僅史可法鎮揚州一旅，其真心勁節，至死不渝，有明一代，難與匹儔，哀哉四律，令人讀之由然生故國之感。

詩曰：每過梅花嶺，思公淚欲零，高山空仰止，到眼忽丹青。勝國衣冠古，孤臣鬢髮星，
 宛然文信國，獨立小朝廷。已斷長淮臂，難揮落日戈，風雲方慘淡，天子正笙歌。四鎮調
 停苦，三軍涕淚多，至今圖畫上，如盼舊山河。剩有家書在，銀鈎字數行，淒涼招命婦，
 宛轉托高堂。淡墨知和血，篇終說斷腸，當時濡筆際，光景莫思量。太師留畫像，交付得
 歐公，展卷人如在，焚香禮未終。江雲千里外，心史百年中，怕向空堂捲，霜天起朔風。
 閩鄙明亡後葬楊州梅花嶺云云。

三十二

蘇八弔史閣部詩曰：禾黍離離滿眼中，揮戈落日恨無功，衣冠葬向梅花嶺，月黑鵲啼
 弔國魂。

三十三

志懷弔史可法閣部詩曰：鞠躬盡瘁死方休，一再勤王志復仇，慷慨艱難存正氣，男兒
 義不辱庭羞。掃蕩妖氛樹一軍，麟歌鳳嘯泣斯文，屢言日出無何奈，欲挽狂瀾報大君。梅

嶺年年故國悲，北風胡帽正交馳，招魂葬後衣冠改，唯有江濤似舊時。

三十四

柳亞盧弔史閣部詩曰：漢膽支撐剩海濱，南枝零落北枝春，白衣拜罷各青樹，來共梅花作比鄰。

三十五

廖公弔史閣部詩曰：願身寸寸成灰土，留得燐光燭上穹，天地蒼皇魔鬼哭，梅花嶺上弔忠魂。

三十六

民報附刊天討插圖岳武穆遊池州翠微亭圖內武穆題詩曰：「經年磨土滿征衣，特特尋芳上翠微，好水好山看不足，馬蹄催趁月明歸。」

三十七

民報附刊插圖陳元孝題石壁詩曰：「山木蕭蕭風更吹，兩崖波浪至今悲，一聲杜宇啼

荒廢，千載愁人拜古祠。潯水有門分上下，江山無界限華夷，停舟我亦艱難日，畏向蒼苔讀舊碑。

三十八

漱鉄巾陳臥子先生詩曰：南都荆棘又銅駝，落日秋江感慨歌，賈誼有心難瘖哭，魯陽無力倚揮戈。忠魂肯逐江山轉，浩氣能教日月磨，爭奈世無漢先主，臥龍遺恨竟如何？（等）
臥子卽子龍先生，弘光乙酉經兵謀匡復，後二次兵敗，不屈投水死。）

三十九

虬公祭朱舜水先王墓詩曰：溘天風雨傷今日，慘憶孤臣去國時，連恥帝秦曾蹈海，胥謀覆楚不成師。名山墨蹟逾壁，荒冢梅花冷繞碑，無賴生芻持一束，墓門勝拜表心儀。
（舜水先生名之瑜，明末東渡乞師，未果，死於日本，葬茨城縣，後移東京。）

四十

東陽令史子孫弔吳日生張蒼水詩曰：弼教坊前（蒼水先生名愷言，弼教坊爲先生號）

處。○捷涕過，草橋入吳，先生就義處。○門上應悲歌，思量二百年前事，秋草荒原血淚多。

四十一

志懷氏弔張蒼水先生滿江紅詞曰「破碎山河，嘆一縷殘魂欲歇。誰肯信書生報國，竟成義烈。慷慨悲歌江海水，寂寥夜哭滄桑月。撫鬚眉擣首看天狼，同仇切。報韓志，酸如雪，華夷界，安能滅。但春秋抱負，完全無缺。臣節苦嘗熊鬼胆，霓旌紅染炎黃血。何時掃蕩犬羊羣，還京闕！滿目滄桑，已無復朱家春色，最難堪乾坤板蕩，羣魔登闕。腸斷故宮環佩冷，變生三聖山陵側。歎唐唐萬古漢官儀，都銷歇。榮天柱，一朝絕，亡國痛，向誰說。膽冬青樹上，杜鵑血。故老慘聽南內雨，孤臣痛哭西台月。奈而今大好舊山河，仍殘缺！

四十二

志懷弔中華三女傑，即唐花木蘭，及宋韓世忠夫人黃天蕩助戰破金兵之梁紅玉，明石

程士司馬千乘夫人勝末赴吳勤王之秦良玉也。弔花木蘭詩曰：掃蕩胡塵入漢關，睨矛生色甲光寒，神爲民族完天職，萬古英雄一木蘭。弔梁紅玉詩曰：躍馬揮戈入戰場，女兒偏作健兒裝，萬人敵泣呼慈母，親補軍衣更視傷。紫髯紅粉映征矛，並轡金山頂上頭，一例指揮搥大鼓，胡兒曉與血橫流。弔秦良玉詩曰：紀律森嚴白桿兵，長驅乘勝勢縱橫，不堪三萬嶺嗣卒，終共香魂殉大明。

四十三

拜岡弔吳越先烈及苧妻詩曰：虎門龍拏性不馴，珠沉玉碎最傷心，建夷未滅身先死，越嶺頭顱贈國民。腥膻滿地淚斑斑，一卷黃書不可刪，國恨癡迷誰解說，熱心尙有女船山。

四十四

馬君弔瓚口舉義失敗就義之唐才常林圭二先烈詩曰：倚劍登樓望八荒，無邊秋色正茫茫，天刑剛猛網常在，知有精魂在帝鄉。又曰：西來黃帝勝蚩尤，莫向森林問自由，聖地千軍淪異族，夕陽獨自弔神州。爲叙豈是先民志，紀事終遺幾史羞，太息英雄浪淘盡，

大江鳴咽東流。

四十五

小年之少年紀總理革命曰：孫公熱心共和。捨身民族，雖遭蹉跎，志不稍懈。士等磨劍，樹獨立之旌旗。九世復仇，理不平於宗祖。……中華子弟多才俊，捲土重來自可期。

四十六

曉東著血海恨使斧描寫虜騎縱橫，同胞被害情形，痛罵漢奸，並勉同胞圖恢復。曰：虎狼四下，鐵騎橫江瀉。刃看蠻夷猾夏，佔我江山，殺戮如麻。天愁地慘，尸橫原野，人烟斷絕千家。俺大好頭顱無善價，早夜咒血磨牙。頸兒血濺，九幽黑獄莽中夏，萬里荒村噪寒鴉。裙袂慘死，流水落花，懸梁投繯，尸積恆沙。最可恨，恨已極，還有倭賊人的奸細，問黃孫愛國心田安在，末來由爲牛爲馬，代敵人打舍親家。奴才作虐據官衙，昧良心認賊爲爹，獻於人面，罪惡增加。可憐同胞鬚眉拚個頭顱碎，替神州放桑鮮明光復花。

四十七

章太炎罵漢奸詩曰：誰教雨大競呀呀，貂尾方山是一家。恨少無陽屠狗侶，掃除羣吠在蓬華。傀儡登場失自由，甘心奴隸不知羞，無他絕技猶生活，顏厚較人長一籌。

四十八

宋梅送青年征人詞曰：幾時掃蕩匈奴域，試看那隻身跳擲，提刀殺賊。東亞風雲千變幻，行矣前途昏黑。亂世青年真福分，好頭顱收葬要離側，雖死別，長相憶。

四十九

柳亞盧送青年征人詩曰：黃卷與青燈，風雨雞鳴夜，夷夏有大防，耿耿心不滅。騷亂美少年，大義持之力，國恨不可忘，公仇日以亟。前途其砥礪，罷勉振長策。

五十

高志梅蘇州舊門吊伍子胥詩曰：幾多時候請圖開，一葉梧桐走鹿台，抉目懸門亡國痛，即今豈少伍員才。

五十一

高天梅蘇州弔太平天國王李秀成詩曰：蒼皇然我太平情，李好福畔浪淘聲，江山如此空淪落，憶煞當年李秀成。荒園落日聞雞豚，解劍登樓酒一罇，搜索吳門三日夜，洪朝遺跡渺無存。

五十二

于右任哭孝陵詩曰：虎口餘生敢自誇，天留鐵漢卜中興，短衣散髮三千里，亡命南來哭孝陵。

五十三

于右任亡命，舟次馬關詩曰：蒼莽灣復灣，舟行入馬關，紅旗翻碧海，白浪捲青山。痛定行人血，羞開壯士顏，沉淪亡國恨，觸處淚潸潸。

五十四

柳亞盧送同志回國革命詩曰：國仇未報腦橫乾，一樣傷心可奈何？快馬健兒無限恨，與君收拾舊山河。

井勿幕孤憤曰：「大丈夫生當斯世，宜效死疆場，爲民族存正氣。否則亦當慷慨烈烈，如荆卿刺博浪椎、諸偉舉。事無成敗，亦已塞祖龍之胆，壯山河之色。爲祖先留生氣，爲民族延殘命脈。安肯怙倖也視，忍辱專仇，俯首異族統治之下哉！」（勿幕陝西蒲城人，美齋而盧安，善擊劍。十三歲離家外遊，後東渡日本，年十七謁總理及黃克強先生於東京，加入同盟會。主大有報，文名籍甚。年十九歲，奉命回陝籌設同盟會陝分會，自爲之長，結納豪俊，撫附渭北刀客，爲革命軍用。部署一切。辛亥舊曆九月初一舉義旗，響應武漢，厥功甚偉。民國七年十二月二十一日，爲奸人刃殺於與爭之南仁村，年三十二。後歸葬蒲城南郊。死前有步杜少陵秋興詩八首，傳於世。一、落葉鳴歸露滿林，河山四戰氣嚴森。白鹿茸茸摩天漢，玄鳥飛飛戀歲陰，因果能收爪李種，恩仇不解虎狼心，征夫莫問寒衣就，腸斷西風野戍砧。二、黃金台上筆旗斜，新舍中央集國華，永憶三千穆上客，休驚八月漫靈樞。清涼夜半隨悲管，成鼓天邊入暮笳，莫笑當年舊賓侶，風前猶作散霜花。）

三、纔上高樓送落暉，東方月出轉熈微，只言明鏡粧初發，無那颿風雲霧飛，白帝佳兵愁事往，嫦娥竊藥恐心違，持梁躍馬已應足，淮水湯湯淮土肥。四、長安賸那一先基，得失分明勦客悲，冀北秋空無馬日，中原月朗獲梟時。白衣未送先王老，翠羽還爭五霸馳，只有夷齊能保厥，古來忠孝耐人思。五、誰憐愚叟苦移山，梅嶺崔嵬戰伐間，尙存衣冠存舊地，何無羽葆入天關。清流已作黃流侶，八國猶爲夫國顏，太息秋風真冷落，朝朝催盡鬢毛斑。六、知在蛾眉最上頭，長江東下萬方秋，國容定許羣魔息，天意應憐萬姓愁，將士霜前飛爲軍，樓船日下泛輕鷗，漢家自古偏安地，莫守岷江棄九州。七、龍戰玄炎未奏功，英雄處處悼歌中，九關虎豹千山雪，四海鰲橫萬里風，朝市翻成滅血碧，江山盡是火旗紅，奸雄未盡英雄少，歲晚風悲馬上翁。八、天設終南立擁關，山陰可有小塘波，頻年苦奏南冠圖，萬里情成越鳥枝。秋徵曾傳三令下，文章應許北山移，深林未遂平生志，獨臥吟成草露滋。予右任有詩哭之曰：十日纔歸先軫元，英雄遺憾復何言，渡河有恨收羣賊，殉國無名哭九原，孰與詩存和韻，南仁村讀莫招魂，還期破敵收功日，時起丘山擬宋

國。」余於二十六年十一月勿幕殉難紀念日有懷勿幕句曰：天涯聚散總飄蓬，祖國當年變
 桿風，太息蒲陽郊外墓，昔時英氣尙蔥蔥。

五十六

某氏最革命女青年歌唱四首：一、姊妹們！前來聽，落花慘淡柳條新，白骨青山多哭
 聲，阿誰肯把乾坤整，男兒不任女兒任，現出觀音菩薩身，普渡衆生願無盡。二、姊妹們
 ！前來唱，大仇未復日正長，織織素手忙復忙，織成國徽生輝光，青天白日滿地紅，懷心
 不願縮鴛鴦，繡出中華大國魂。三、姊妹們！請來前，錦繡河山五千年，哀哀神州遭蹂躪
 ，三生石上非姻緣，惟有中華是愛鄉，癡情要把愛鄉保，保得愛鄉樂無疆。四、姊妹們！
 望前走，女兒無志不堪受，蠅皇鍊石無恙否？整天補地出纖手，寄生人世女兒羞，祝爾勝
 利一杯酒，兒女英雄有千秋。

五十七

丘滄海先生辭台詩，滄海先生初名逢甲，字仙根，號蟠仙，又號仲閣。常譽滄海君，

或倉海君，南武山人，東海遺民等。祖籍廣東蒼蠶。其曾祖遷居台灣彰化縣。先生且應福州鄉試中式。後成進士。故又爲福建人。棄官不就。歸台灣。歷任台南北書院山長。甲午年倭事起。海氛日惡。先生以台灣孤懸海上。久爲倭所垂涎。先生預事籌劃。請於台撫唐景崧。願率士民共同守禦。自毀家募團練。兄弟子姪成年者均命入營。全台編爲百六十餘營。以誠信壯靖等字名其營。勤加訓練。曉以大義。後改稱台灣義軍。至中倭馬關條約成立。割台灣與倭。先生聞之。悲憤奮激。遂首倡自主之議。呼號島中，全台響應。乃嚴立台灣民主國。先生起草憲法。開議院。立政府。以藍地黃虎爲國旗。舉唐景崧爲伯理璽天德。以鄭成功舊都東甯爲國都。號東都。先生任義軍大將軍。祭鄭成功廟。慷慨誓師。以台南委劉永福。自率義軍守台中。倭以新勝之軍來襲。舊官軍多潰。惟義軍與倭轉戰達半載。（光緒二十一年四月至十月）倭軍五月陷台北。七月陷台中。九月陷台南。先生最後據新竹與倭血戰達二十餘晝夜。卒不支。倭知台灣自主之議出於先生。所部義軍又抗戰最力。憾之甚。爲出重賞嚴索。先生知事不可爲。歛據山死守。與台灣共存亡。都將諫曰：台雖

亡。不如暫內渡。圖復仇雪恥。捲土重來。先生從其言。乃歸廣東阻滯。先生以清廷顛覆。廢。終無振作之望。遂極心排滿。謀革命。辛亥武昌起義。廣州軍政府成立。被舉爲教育部長。旋充組織中央政府代表。中華民國臨時政府成立。任參議員。民國二年沒於家。其離台時有詩合詩五首。寫其積憤。蒼涼慷慨之氣概。躍然紙上。詩曰，奸相有權能割地。孤臣無力可回天。扁舟去作鴟夷子。回首河山竟黯然。虎豹約略且收藏。休說承明執戟郎。至竟此歸成底事。東都一炬類咸陽。捲土重來未可知。江山亦要健人持。戎名豈予知多少。海上誰能葬義師。從此中原恐陸沉。京周詩弱又於今。入山冷眼觀時局。劍鍊銅駝感慨深。英雄退步卽神仙。火氣消除道德淵。我不神仙聊謔俠。仇頭斷盡再昇天。云云，先生詩詞不下二千餘首。類皆可讀可泣之作。又有報台灣友人一首，及贈舊義軍記室二首。曰，故人消息隔鄉關，花發春城客思閒，一紙平安天外信，三年夢寐海中山，波濤道險魚難寄，城郭人非鶴未還，去日兒童今漸長，燈前都解問台灣。拜將壇高草義旗，五洲陵日屬誰師，當時力保危台意，只有軍與壯士知。奸相有權能割地，孤臣無力可回天，帝閭既

寒都覆。冷雲已五集。鳳凰台上望瀛洲。地老天荒。將驀。自寫鄂王詞在壁。從頭整頓舊河山。難能赤手斬長蛇。不愧英雄傳裏名。撐起東南天半壁。太閒還有鄭延平。云云。又有秋懷述王台語江紅詞一首。曰。逐鹿中原。歸何故。閉關自域。想舊事登高弔古。五華城北。雄結難。南武帝。撥孫左。蘇朝饒。笑此台誰瞰百蠻天。何因設。甘心愛。新王。驍營彈指頃。千年隔。訪靈圖。廿夕陽無遠。殘缺不完南越國。老夫心事何人識。祇江山雄繞古台基。今猶昔。昔憤慨深矣。又有「古別離行」一章。寓意尤厚。曰。乍願君爲天上之月。出海復來。不願君爲東海之水。到海不復回。有情之月無情水。黯然銷魂別而已。况復去歲判胡越。百年去鄉里。關門斷雁河絕。萬金不得書一紙。噫嘻乎。嗟哉遠遊子。春風經月飛行李。留不住。簫上聲。拭不淚。玉土名。手摩萬劫磨不得。屋梁落月之相思。河梁落日之離情。山中冰出山不復清。海中日出海復還明。不惜君遠別。惜君長決絕。知君來不來。看取重圓月。民元有謂明孝陵詩曰。鐘聲鐘山紫氣騰。中華民族此中興。江山一統新都定。秋露鳴笳謁六陵。先生眼見多年事。華民於此願言實現。山中仙侶空銷。散

有此豪語。但此詩亦卽先生之絕筆。先生謁孝陵後回粵。不久卽逝世矣。

五十八

師南子明季節烈趙雪華宋芝湘傳曰：烏呼氣節與世運相關係，豈不諒哉。吾謂古之氣節之士，或不能轉移世運，而終不爲世運所轉移。有明末造，盜賊滿山，赭衣遍野，生民之禍已亟，而天復假胡手以虔劉之。黃族之不絕如纍纍者，亦幸焉耳。然其時豪傑強項之士，巾幗者流，舍命不渝，漢思勃發，倡光復成仁取義者，不可以更僕數。且其風互百餘年，而未有已。嗚呼何其偉也。趙雪華三吳良家子也。工詩善屬文。讀文文山正氣歌，輒俯首凝思，聲淚俱下。年十八爲某氏婦，伉儷甚相得。會闖賊難發，吳中道梗，不得已徙家河洛。未幾北寇至，掠其夫以去，雪華痛之甚。乃不越月而寇忽又至，竟掠縛馬上北行，雪華勺水不入口者數日，至山東鄒城間而殞。其絕命詩曰：不掃雙蛾問碧紗，誰從馬上撥琵琶。驛亭空有歸家夢，驚破啼聲是夜笳。日牛車道路賒，徧身塵土向天涯，不因薄命生多恨，青塚啼鵲怨漢家。驚傳縣吏點名頻，一一分明漢語真，世上無如男子好，看龜

髡髮也。騷人。（今日淪陷區婦女被敵人所掠，率由漢奸小蹄子助桀爲虐，髡髮騷人，真是可殺。讀此詩者，能無氣噎乎？）宋蕙湘秦淮縉紳女也，年十五爲北寇所掠，行至河南衛輝。虜酋欲犯之，湘哭訴從諸虜酋止，湘大罵曰：吾良家子也，安肯蒙面奉汝醜類枕。殺則殺耳，何逼爲？虜本怒，揮刃卒斬之。死逾日，顏色不稍變，虜驚其神。後人有過衛輝邸者，見壁上懸隱有血字痕。視之詩也，錄得二章。曰：風動江空羯鼓催，降旗飄點鳳城開。將軍戰死君王紫，薄命紅顏馬上來。廣陌薰塵暗髻鴉，北風吹面落鉛華，可憐夜月鑒襟袖，幾度驚塵伴暮笳。春花如繡柳如烟，良夜和心盡闕眠，今日相思渾似夢，真來可恨是蒼天。下署秦淮難女宋蕙湘淚和血書，明亡後一年六月七月云。

五十九

章太炎中華輿名考曰：中國之名，別於四裔而爲言。諸華之名，因吾民族遷至之地而爲言也。世言岷嶺爲華國者，以吾華神靈之冑，來自西方岷嶺之丘也。來自西方後以雍梁二州爲根本，由之伏羲生成紀，神農產姜水，黃帝宅橋山，是皆蓬萊閼風地也。高陽起弱水

，高辛起江水，舜居西域（卽古漢中郡。漢中縣）禹生石紐，是皆梁州之地也。觀晉華伊古帝王所產，而知吾民族興區，斯爲根極。雍州之地，東南至華陰而止。梁州之地，東北至華陽而止。就華山而定限，名其疆土曰華，則緣起如是也，其後人跡所至，及九州。至於秦漢，則朝鮮越南，皆爲吾華民族耕稼之鄉。華之名於是廣，華本國名，非種族之號。其言種族，宜就夏稱，夏之爲名。實因夏水，帝典已有其文，不起於夏后之世也。夏水漢水漾水沔水，同水異名，源出武都，流衍至漢中而始盛，地在雍梁之際，因水而爲族名，故有夏族與漢族之稱也。

六

君武中華疆域歌曰：嗚呼同胞，吾華疆土在何方。西極崑崙盡衛藏，水氣無極走牛羊，重巒萬疊金沙黃。黃河之流天際長，鴻濛遠竄大漠荒，始均奉命鎮金湯。樓姆窟倫陰山傍，統治蒙古事昭彰。肅慎貢矢周德光，松花黑龍遼僅筐，箕子之墓在平壤。國威已越鴨綠江，三韓朝使道相望。秦皇統一風泱泱，長城萬里山爲牆，東西南北悉來往。一代英武

漢武皇，英國崇拜漢寇常，白雉黃龍來越裳，不敢自大驚夜郎，重譯四譯見典章，南征北
字老馬援，巍巍銅柱漢威張，馬來地名千載香，胡越一家起大唐，殿庭賜坐勞酒漿，大明
三寶下南洋，橫海樓船鼓滄茫，台灣澎湖歸鄭王，蟠木封王事遠航，嗚呼同胞，五湖四海
三江七澤五嶽四瀝是家鄉，嗚呼同胞，玄祖黃帝不可忘，師兵營衛啓土疆，兩平水土九州
康，列祖辛勞事草創，肇始洪荒與玄黃，至今歷歷幾滄桑，不肯子孫遭災殃，嗚呼同胞，
祖宗產業不可亡，沸起熱血氣飛揚，還我河山圖自強，嗚呼同胞，河山未復爾罪不能償，
萬萬望望同胞，臥薪嘗胆，迅圖光復，肩鎗腰劍，前仆後繼，誓死赴戰場。

關於當時激動民族精神之革命文藝，實在記不勝記。黃花崗諸先烈遺墨已有專書，一
時亦記不起，祇得割愛。憶得當時同志所撰載之通俗道情亦不少。茲錄血刃氏之新道情一
則，作爲本文收場白，今日仍可用爲民衆唱本也。希望文字收功，民族精神勃然興起！
龍爭虎鬥熱鬧場，夢回村店熟黃粱，人間恨事知多少，莫付與閑閑話短長。待老夫魚
板輕敲，扯直喉嚨唱一唱，望同胞聽了莫悲傷。夫差你忘殺父恥，你要答聲不敢忘。臥薪

當把責任負，看他賊寇滅亡不滅亡。

志已成可挽回，忘如滅大可爲。勸同胞休心灰，惟視決志努力果何若。挺身龍爭虎鬥大舞台。復大仇，雪大恥，殲滅賊寇，勝利的鐘聲，皇皇震八極，自由的鼓聲，轟轟起如雷。

三民主義革命旗幟，混深飄高台。中華革命軍，無堅攻不摧。泣告軒轅廟，露布中外來，風馳雲捲，電掣星催。不將神州恢，此心鬱不開，不抵黃龍城，此生不啣杯。一舉不成再三舉，前仆後繼莫徘徊。肅清妖孽，盡除海外蛇虺。勒銘燕然石，名字竒瑰。海上陸上平靖氛埃，堯天舜日盡游賞，花兒草兒順意裁。到了此一日，待老夫傾玉醅倒金罍。

祝我中華民國中華民族萬歲萬歲，作起世界主人來。（三十一年民族節幕節作）

中華民國三十一年六月初版

辛亥以前激動民族精神之革命文藝

實價國幣叁元

(外埠酌加運費)

編著者 李

貽

燕

版權
所有
必究

發行者

中國文化服務社陝西分社

地址：西安北大街二十四號
電話：六八七號

印刷者

中國文化服務社陝西分社

總經理

中國文化服務社陝西分社

經售處

各地中國文化服務社分社

THE UNIVERSITY OF CHICAGO